



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

§. V. De Dominica in Quinquagesima, & Feria II. ac III. infra eam
Hebdomadem occurrente.

urn:nbn:de:hbz:466:1-39937

Sabbato ante Dominicam in Quinquagesima, omnia aguntur, ut in Sabbato ante Dominicam in Sexagesima, ac Septuagesima.

Quid observandum [nominatim circa Jejunium] si in Feriam V. hujus Hebdomadæ incidat Vigilia S. Matthiae, dicitur P. II. die 23. Febr. &c.

§. V.

De Dominica in Quinquagesima, & Feria II. ac III. infra eam Hebdomadem occurrente.

Officia, & Missæ hujus Dominicæ, harumque 2. Feriarum eodem proportionaliter modò dicuntur, ac ordinantur, quod Officia & Missæ, præcedentium 2. Dominicarum, ac Feriarum præcedentis utriusque Hebdomadæ. Quid observandum, si in aliquam hujus Hebdomadæ Feriam incidat Vigilia S. Matthiae, dicitur P. II. 23. Februarij.

Propria tamen ipsis sunt sequentia: 1. Habet Dominica Quinquagesimæ proprias *Lectiones* [idem est de Ferijs eam subsequentibus] ac propria *Responsoria* in suis Nocturnis. 2. Habet eadem Dominica proprias *Antiphonas*, & *Capitula ad Laudes*, & per *Horas*. 3. proprias quoque habet *Antiphonas ad Benedictus*, & ad *Magnificat*, cum propria *Oratione*.

In *Comprecatione 40. Horarum*, quæ hæc Dominicæ & Feriæ II. ac III. subsequence propositis Indulgentijs plenarijs, à Sede Apostolica extra annum Jubilæi concessis &c, in Tem-

plis Societatis JESU coram SS. Sacramento, in Summo Altari exposito, institui solet, triduo hoc antecinerali quod *Missam Solennem* observatur haec tenus ferè in nostra Germania id, quod tradit Gav. Tom. I. P. II. Tit. 14. n. 2. 3. & 4. & ex eo, ac alijs Lohnerus Instr. I. P. 4. T. I. n. 8. ubi ait: Quando exponitur Ven: Sacramentum pro Oratione 40. Horarum, Missa Solennis dici debet de eodem Ven: Sacramento, prout inter Missas *Votivas* in fine Missalis affigatur [non autem *Festiva Corporis Christi*, nisi infra Octavam Corporis Christi casus accideret, ut recte moneret Gavantus] cum unica tantum Oratione, necnon cum *Gloria* & *Credo* [quia est publica causa] & in ejus fine dicitur Evangelium S. Joannis. Missæ autem *private*, Teste eodem Lohnero, si occurrat *Festum duplex*, aut *Dominica*, dicuntur de die *currente*, addita Commemoratione de Ven: Sacramento, ordine tamen à Rubrica General. VII. Missalis n. 54

præ-

præscripto. Præfatio in Missa dicta Votiva Solenni dicitur de Nativitate, at verò Communicantes Commune: Col. Alb. Quòd si in *Dominicam maiorem* primæ vel secundæ Classis (quæ illis est *Dominica Quinquagesimæ*), aut in *Festum primæ* vel 2.dæ Classis incidat hujusmodi *Comprecatio*, tunc in Ecclesijs, in quibus unica tantum dicitur Missa, ea non est juxta prædictos AA. dicenda de *Venerabili*, sed de *Dominica* vel *Festo ejusmodi prime* vel 2.dæ Classis: Si verò plures & eorum aliquæ de *Festo* vel *Dominica ejusmodi prime* vel 2.dæ Classis dicantur, tunc poterit (inquit Lohnerus) Missa *Votiva* Solennis de *Venerabili*, sine Commemoratione Festi aut *Dominicae occurritis* cantari & sine hujus Evangelio (NB) in fine ejusmodi Missæ *Votivæ*. Gavantus verò loco citatō ita scribit: Si accidat, ut ejusmodi Comprecatio coram exposito in Altari SS. Sacramento instauratur in *Festo prime*, vel 2.dæ Classis, aut in *Dominica privilegiata prime* vel 2.dæ Classis, tunc in Ecclesijs *Collegia* tis vel duas cantentur Missæ, altera de *Festo*, seu *Dominica post TERTIAM*, altera Votiva de *Sacramento post NONAM*; vel una tantum cantetur de die currente cum Commemoratione gamen SS. Sacramenti: Quod ultimum (ait idem) fit Roma in Capella Papæ in prima *Dominica Adventus*, & in alijs diebus Festis Solennibus in Ecclesijs majoribus Urbis. Quod

ipsum hodie universum in ejusmodi Festis & Dominicis primæ & 2.dæ Classis Romæ observari colligunt ex ijs, quæ leguntur apud Franc. Monacelli P. II. Formularij Legal. practic. Tit. 13. ubi à pag. 44. INSTRUCTIO-
NEM seu ORDINEM servandum in ex-
positione soleñi Eucharistiæ ad men-
tem SS. D. N. Clementis XI. per
Eminentiss. Card. de Carpegna Iu-
ne Sanctitatis Vicarium Generalem ibi-
dem publicatum 20. Januarij 1705.
& Italicè impreffum refert: Eāmque
Ordinationem etiam à Nostris *Do-
minicæ in Quinquagesima* in exposi-
tione SS. Sacramenti pro 40. Horarum
Comprecatione Romæ observari in-
de Scriptâ simul & orerenuſ à Teste
oculato accepi: dum eā *Dominicæ*
juxta Præscriptum allegatae Ordina-
tionis in Altari, in quo exponitur
Venerabile, *Missam* non can-
tarur de *Venerabili*, sed de *Domi-
nicæ Quinquagesimæ* cum Commemo-
ratione de *Venerabili* *Sacramento*,
& quidem sub una eadēmque con-
cluſione cum Oratione solius Domi-
nicæ, in Paramentis Violaceis: præ-
ter hanc autem *Missam* solennem de
die currente dicto modò cantatam,
juxta eandem ordinationem in Alta-
ri, in quo exponitur *Venerabile*,
nullæ aliae dicuntur Missæ, nec Ve-
speræ cantantur ibi, ut inde ad me
rescriptum. In Missis verò privatis
(si non occurrat Festum 1.mæ aut
2.dæ Classis) dicenda est *Oratio de*
SS. Sa-

SS. Sacramento per modum Com-
memoracionis seu orationis Votivæ,
attamen ordine à Rubr. Missalis Tit.
7. n. 5. præscripto.

FERIA II. post Quinquagesimam
habet propria Responsoria post Lectio-
nes sui Nocturni. Feria autem III.
Sumuntur Responsoria ex II. No-
cturno Dominicae præcedentis. At
verò ad Magnificas utraque prædicta
Feria habet proprias Antiphonas.

FERIA III. post Dominicam
Quinquagesimæ (sive de ea, sive de
Festo fiat Officium) annuntianda est
in Choro in Martyrologio ad PRE-
MAM primum loco dies Cinerum. Si
Feria 3. post Dominicam Quinqua-
gesimæ alicubi occurrat dies Septima
infra Octavam alicujus Festi (v.g.
Parificationis B.V. ubi hæc est Itu-
lus Templi , aut Patroni Principalis
Dicecesani) Vesperæ dicantur de Fe-
ria currente , nil amplius dicendo
aut faciendo de Octava post Nonam ,
utpote post quam currens Octava im-
mediate cessat in tali casu , uti ex-
pressè cum alijs tradit Bauldry P. 4.
c. 3. a. 3. n. 20. Cum enim juxta
Rubric Gener: VII. n. 1. à Feria IV.
Cinerum usque ad Pascha (secluso
speciali Privilegijs) non modò nulli
Festo Concedatur Octava , sed etiam
cesser Officium cuiuscunque Octava
jam antecedenter inchoatae , ita ut
sicubi aliquod Festum alioqui cele-
brari solitum cum Octava , paulò an-
te Quadragesimam (h. c. ante Fe-

H

XCS. 3

res, non appareret, cur de ea non dicantur Vesperæ, aut, occurrente simul Festo alio 9. Lectionum, non fiat Commemoratio, perinde ac alijs diebus infra Octavam occurribus sollet; cum tanquam Semiduplex vere requirat secundas Vespertas, aut simul Commemorationem (nisi forte Solennitas Festi eâ Feriâ III. occurrentis aliquando, aut alicubi obster) nec eae contra dies alias infra Octavam pugnent Rationes, quæ contra septimam à Gavanto adducuntur, de qua etiam sola locis citatis is loqui videtur, atque etiam hōc pæctō cum eo conciliari posse P. Tobias Lohner Instr. Pract. II. P. 1. Tit. 3. n. 4.

Si Feria III. post Quinquagesimam non fiat de aliquo Festo 9. Lectionum, Feriâ autem IV. Cinerum subsecente occurrat Festum simplex, Vesperæ Feriâ illâ III. erunt de Feria Communi per annum, non autem de sequenti, ne quidem à Capitulo, attamen cum Commemoratione Festi Simplicis, in sequenti Feria IV. occurrentis: quod non ideo sit, quod sequens Feria habeat 1. Vespertas; sed quia, cum Festum simplex in sequenti die non habeat Officium, propter Feriam IV. Cinerum in eo occurrentem, & contra celebracionem cujuscunque Festi privilegiam, etiam non convenit ejusmodi Festum simplex habere primas Vespertas in die præcedenti, ut dicitur Rubr. Gen. XI. n. 10. ubi id ipsum

etiam asseritur pro Casu, quo Festum Simplex venit in Feria IV. vel VI. Quatuor Temporum, aut in Vigilijs, quæ jejunantur, in quibus casibus Vesperæ antecedentes seu pridianæ (nisi ea die celebratum sit Festum 9. Lectionum) pariter ob dictam rationem dici debent de Feria communi per annum, seu die illo currente, cum Commemoratione tantum Festi Simplicis, in sequenti Feria majore, aut Vigilia occurrentis. Eandem ob causam, si Festum simplex occurrat Feria V. in Cœna Domini, in qua de eo juxta Rubricas non debet fieri Commemoratio, nulla etiam fieri de eo debet Commemoratio in Vesperris Feriæ IV. præcedentis. Rub. Gen. XI. n. Cit.

In Vesperris hujus Feriæ nihil sit de sequenti Feria IV. Cinerum, sed (si sint de Feria) dicitur in illis Oratio Dominicæ præcedentis, non autem ea, quæ est propria sequenti Feriæ; nec ante Orationem dicuntur hodie *preces feriales*, nisi in hodiernam Feriam tertiam incidat Vigilia S. Marthæ: tunc enim, si hodie festum sit de Vigilia, in Vesperris hodiernis dicuntur *preces feriales*, quamvis dicenda sit Oratio Dominicæ præcedentis in Vesperris hodiernis feriilibus, non autem Oratio *Vigilie*, ut expressum habetur in Rubr. Breviarij Tit. 34. n. 5. Dicuntur autem (ut ibidem monent Rubrice n. 3. & 4.) *preces feriales*, quotiescunque dicuntur,

flexio

flexis genibus (quod tamen ultimum nonnulli ad solum Chorum restrin- gunt) & ab Hebdomadario quidem usque ad Versum : **Dominus Vobis- cum** ante primam Orationem, à Circumstantibus autem usque ad Ver- sum : **Benedicamus Domino** post ultimam Orationem. Dixi autem : **Pre- ces feriales** (quæ ad Laudes Feriæ II. & per HORAS distinctæ extant in Psalterio) dici flexis genibus solummodo respectivè ad LAUDES, HORAS, & VESP: &c, in Ferijs Adventūs, Qua- dragesimæ, Quat. Temp. & Vigiliarū, quæ jejunantur (exceptâ **Vigilia Na- tivitatis**, & **Pentecostes**; exceptis quo- que Ferijs **Quatuor Tempor.** **Pente- co-**

stes) nam ad preces Dominicales, quæ in alijs Ferijs per annum ad **Primari** & **Completorium** dicuntur, non fle- stuntur genua. Plura huc perti- nentia vide infra P. II. die 23. & 24. Febr. nominatim de casu, quo Vigilia S. Matthie cedit in hanc, aut præcedentem Feriam: de quo fusè etiam Gob. Tr. 5. à. n. 112.

Hodie serò clauduntur Nuptiæ juxta Decr. Sacri Concilij Trid. Sess. 24. c. 10. de Reform. Matrim.

Quarundam Ecclesiarum con- suetudo habet, ut toto sequenti Tem- pore Quadragesimali plenè obvelen- tur imagines Altarium.

§. VI.

De Feria IV. Cinerum, & Cæteris usque ad Dominicam I. in Quadragesima eam subsequentibus.

Quia FERIA IV. CINERUM (ità dicta à *Cineribus*, qui ab Ecclæsia hac die *benedici*, & Capitibus Fidelium eō Consilio imponi solent, ut suæ mortalitatis, ex peccato ortum trahentis admoniti, Pœnitentiam solennem, cuius *Initium* hæc Feria existit, cum Ninivitis à *Cinerum inspersione* incipient) est privilegiata contra quocunque Fe- stum 9. Lectionum, cuiam 1. mæ aut 2. dæ Classis, in ea occurrens, ita, ut nec Missam Votivam Solennem de eo dicere hodie liceat per Rubric. Missal. VI. ideo, si hodie occurrat *Festum duplex*, aut *semiduplex*, transfertur in diem proxinam, Officiò 9. Lectionum non impeditam. De Fe- sto autem simplici, si quod hodie oc- currat, fit tantum Commemoratio (in *Laudibus*, ac *Missa*) sine *Le- ctione* de eo, cuiam propriam alio- H 2 qui